


是謂无量



普度无窮



書符呪曰

天晶元元 地廣川川 雷公辟邪 雷母應天
草人精靈 役使萬年 樹木靈異 敢致壇前
盧盧洽洽 依佐四邊 神靈在下 召汝神魂
立至使吾 逆知千年 立附立到 隨時報應
急急果乘 靈祇速集 洩洩吉帝 靈龜敕制
急急如太上靈寶敕
右法左手卯文呪之並用黃紙朱書按前文
靈寶无量度人上經大法卷之七

靈寶无量度人上經大法卷之八

神光大定品

霜七

七日七夜諸天日月星宿璇璣玉衡一時停
輪神風靜默山嶽藏雲天无浮翳四炁朗清
一國地上山川林木緬平一等无復高下土
皆作碧玉无有異色衆真侍座元始天尊懸
坐空浮五色獅子之上

玄師曰此說元始天尊妙用神通化機運
感之所至既言七日七夜日月星宿一時
停輪何以分其晝夜七日七夜之數又非
止是玉清有淨黎土有如此威神妙化道
君所言諸天也一時是應三界諸方萬天
皆如是也此之微妙聖應天尊外化日月
不行星宿不運璇璣玉衡停輪不顯晝夜
其實內運主宰功用未嘗暫停故玉宸用
七日七夜之數又非玉清玉京說經比人
世七日七夜之理言一國諸天諸地皆統
言之乃云一國地上也緬平一等則吾周
萬衆神化无不徧及故云无復高下以內
言之諸天日月則目不睜也星宿則悉不

運也璇璣玉衡脉不息也神風靜默无出
入息也山海藏雲陰陽无朝交也天无浮
翳內外无物也四炁朗清內外上下一同
也一國地上猶一身也山川林木猶四肢
百脉毛髮孔竅榮衛神室骨節也土皆作
碧玉入於道定之境也

玄師曰以內言之乃大定神光湛然見玉
清境有七日七夜之功七晝七夜日月停
輪二目不睜即非瞑目亦非內視亦非臨
目是七日七夜又現停其目瞬照明三部
內外洞然其一身悉朝運於百節經絡陰
陽榮衛皆系於三部息脉其息脉乃人之
一身璇璣玉衡也四至為璇璣三部應玉
衡既是璇璣不運則日月駐景星宿停輪
四至不至則三部不息一身氣血俱不運
輪先要在神風靜默无吹嘘出入之聲山
嶽藏雲无蔽明妄想之景清明湛寂天无
停翳自然温良寒煖四炁朗清萬物皆同
一色况一身內外皆如碧玉无一毫之塵
漸至百神守死尸萬真朝一身形可以舉

身乘空百日神念道妙千日白晝騰飛上界其天尊空降乃自己元神居五清宮又曰玉帝宮所謂自己有三尊何勞上望天讚曰天尊雖遠妙近言泥丸宮宮室皆七寶靈曠自然分是也五炁朝絳宮感神之妙化結成獅子天尊因而乘之入丹田左青右白前赤後黑中黃故有五色之稱坐空浮有無化應虛實信感七日七夜湛然見玉清天尊是時大定神光上乘至妙功圓會通立至輕舉可以力取空中魔試水火刀兵玉法萬種執於慈悲之質皆不得道七日七夜之外所見者皆未來之事或言之則前功並棄無望仙莫可不慎歛口哉

訣曰以耳對肩以鼻對臍收其六根專神於目非外非內觀其神光三日之外於密室之中見神光一點孜孜定神四日之外漸明漸大七日神光滿室定中百物皆為未定中見一切真靈鬼物方入洞觀微視大定神光之圖



璇璣玉衡之圖




四星為璇璣
二星為玉衡

一呼一吸四至共六寸一呼二至一吸二至各得三寸一至得十五分經緯天地縱橫十五故上帝付黃帝河圖也

微視章

日本命為始行定法七日之外定力有準方行微視定若未成不可行之於空中存身為元始天尊自駐萬里之外不顧面前之物得如此又七日漸有彷彿共一百日功成可以坐觀三尊微視十天見諸十方及年中有災誦誦妙經故為九宮真人



凡行此大定微視之道須遵持二品戒行大定三年西朝玉清天尊賜券白日飛昇位補天真若持大定之道不持戒德智慧不生難入大乘之妙不能體合至妙昇入玉清

威神妙戒章

- 第一戒者執心平等不得自欺
- 第二戒者忠事君師孝敬事天地父母
- 第三戒者仁慈及物貧儉節身
- 第四戒者清淨端直不得阿黨
- 第五戒者敬重上法深信修行
- 第六戒者欽重鬼神不得輕侮
- 第七戒者凡所衣食百物皆出元始祖炁不生外想
- 第八戒者灰水蕩穢不用修飾

105) A 4 25-5

第九戒者口誦心拜无使勞役

第十戒者七日大定神光湛然見玉清境

智慧妙德章

第一善德不殺心生意想口言假手勸助教誘殺戮一切衆生皆謂之殺

第二善德不害陰謀內潛詭賊外施窳陷網籠酷毒非法損害衆生皆謂之害

第三善德不嫉懷怨藏機乘勢說非願彼遭惡謂之嫉

第四善德不妬暗使心情私密願望勝己色想欲擬陷害力去能根宗生謂之妬

第五善德不姪非色非財不正其意六親通私淫犯骨肉不以禮交私心意慕不論妍媸謂之淫

第六善德不盜穿窬墻壁拆函開封擊鎖改換印章私心隱匿貸借不還欺昧侵竊謂之盜

第七善德不貪言意无根情量度闊親於萬物皆欲盡有充足无數更實其情不量分定求而无厭皆謂之貪

第八善德不欲心秣顯而意馬駭馳六根般

運使作七情慕生於愛擬定欲心謂之欲

第九善德不憎偏見執著香臭淨汙妄想分別高下貴賤不為一等謂之憎

第十善德不矜情量疑慮過與不及心生狡倭邀阻不遂謂之妬

第十一善德言无華綺

第十二善德口无惡聲
諸大定之道者故學者在於定中觀心无心乃是真心觀形无形乃是具形心形既忘自入无形之道乃是白日上昇之法

太一真人大定神光頌曰

蒼冥无心大淵潛形蒼色混同存化凝靈鴻毛不動內外含真龜啗紅旭結秀真精日月朦朧璇璣不昇白霓青霧往復交并七日神通自見玉清

黍米入妙品

十徧周竟十方无極天真大神一時同至一國男女傾心皈依來者有知細雨密霧迷途國一半土皆徧陷非可禁止於是元始懸一寶

珠大如黍米在空玄之中去地五丈元始登引天真大神上聖高尊妙行真人无鞅數衆俱入寶珠之中天人仰看唯見勃勃從珠口中入既入珠口不知所在國人靡散地還平正无復敬陷

玄師曰謂十徧說經已竟十方无極大神并天真一時同至召十方慧力經緯祥應

一國皆獲護度咸得長生故傾心皈依國未赴說經之所喻如細雨密霧不可稱量其數故言无鞅之衆萬天普言一國一國並會大淨黎土其地不能厚載天尊經

力重德及無殃廣衆則地迤徧徧來者之衆雖已迷國一半高自不能禁止是以天尊施玄妙大化懸一寶珠大如黍米在空

去之中莫測所懸之系去地五丈離於濁色之表登引天真大神上元之真九品之真上聖高尊中元聖尊九品之聖妙行真


人下元仙真九品真人隨天尊登引俱入寶珠之中其一切天人非天眞上聖真人故難随无為化機不能同入空玄黍米之

妙極仰看而已見劫劫從珠口中入於珠中既入珠口不知所在且如下格小仙有芥納須彌之妙懸壺天地之景何況大聖天尊教宣大教現神變也所言寶珠大如黍米已是微妙更去地五大能見寶珠在空玄之中者非天人不有此明慧又況見其珠口者實天尊登引聖真入妙有虛无之境當其隨天尊入於寶珠之時天人仰看即見珠口既俱入寶珠之中即天人不能見寶珠之内玄妙之化是以國人靡散地還乎正无復散陷此當時說經之境天尊寶珠之妙也以至道言之大道神通大无不包細无不入聚則成形變億萬无缺之衆俱成毫芥之妙聚則如是散則從无生有徧及萬天諸國分形億兆无所不徧无所不及散則如是去地五丈則離其五欲五塵五聚五色五香五聲五濁在五行數外故能入空玄之妙黍米者五穀之長一爾者一身之比散陷者道有傾迷未全一體難稱重玄之化天人即萬神也上

聖天真妙行真人則三元之神也天尊則一身之主也以內景妙道言之乃玉清寶珠神化胎仙之訣也以大法言之却拉愈疾之法也以修禱言之威神玄通之儀顯災召福之品也

玄師曰九轉十徧功用既周則證從有入无空玄黍米之妙先召陽精後召陰華比細雨密霧而入一身周盈粗炁十回神化元谷祖炁一歸衆炁同隨化黍米之玄丹鎮黃庭之靈府丹成真日餌之立駕雲舉上登玉階位為真人

太玄真人黍米入妙頌曰
靈躬比天上應太玄 三日陽合七朝陰全
十三坤位十八連乾 望朔帶符八乃為弦
二十三日 陰陽宗元 夕日常道 此會三田
一塵有染 失於綿繚



五神混合品

召五神混合符

- 上元太一 (Top: 上元太一, Middle: 安宅符, Bottom: 下元純潔)
- 中元司命 (Middle: 中元司命, Bottom: 安宅符, Bottom: 下元純潔)
- 下元純潔 (Bottom: 下元純潔)
- 無殃公子 (Wu Yang Gong Zi)
- 白元專神 (Bai Yuan Zhuan Shen)

救符呪曰

千和萬合自然成真 真中有神長生大君
无殃公子 白元專神 太一司命 桃康合送
執符把籙 保命生根 急急如
元始无量度人律令

服符呪曰

太上靈丹光耀三田 殺滅尸蟲辟却魔煙
五神混合百關通全 能令冬熱 即使夏寒
回反坎離 旋蒸綿綿 我身蕩蕩 由化千端
入我五臟 百神不干 真炁內降 剝坤健乾

1107) A. 2. 25-4

急急如

靈寶混合五神律令

五神混合之圖

白元尊神

泥丸太一 中央司命 命門桃康

无英公子

胃及脾者 大腸庚 乙庚合成綠

脾心下連 膀胱壬 丁壬合成蒼

膽肝之右 小腸丙 丙辛合成紅

玄師曰五神混合符學士行靈寶七經八

緯及諸內行並用朱書黃素上每日早西

東及服一道上清訣五方炁吹符即得五

神守護三一常存存息施用无不感格

妙行真人中理五炁頌

一炁朝宗入於八冥 天門地戶 啓閉塞通

生本太微明梁祖炁 天人作陽 天門為陰
地泄為真 納與邪功 水火同來 百神回東
歸於谷室

靈寶无量度人上經大法卷之八

正一天師清微弟子 洪百堅 製作



靈寶无量度人上經大法卷之九

十轉回靈品

十轉回靈萬炁齊仙

玄師曰十轉之道通五行生成之理其十轉之法也

天尊十過說經神化者是其理也

衆真侍座

玄師曰一身具集可獲斯言

元始天尊說經一徧諸天大聖同時稱善是時一國男女聾病耳皆開聰

玄師曰具集常善水數生一善天蒙恩水生上朝攝流山谷沐腎增智聾耳得開病耳得聰以至道言之迷音不知音外其病耳不聽無聲大聰亦聾曰得水之真一流智昇慧開而病耳聰也

說經二徧盲者目明

玄師曰一身光明之生日月精華之根者目也為集真之戶牖見道之靈宗上道禁經日月為首光明者火也中主之瞳閃感之本日月分輝也火二生數天一真水浴